



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1715. usque ad annum 1718

Fleury, Claude

August. Vind. [u.a.], 1782

VD18 13322648

§. 65. Venetorum victoria de Turcis reportata.

[urn:nbn:de:hbz:466:1-67649](https://nbn-resolving.org/urn:nbn:de:hbz:466:1-67649)

Sæc. XVIII. „Cæterum non intendit S. Facultas
 A. C. 1716. probare alias Propositiones, quæ ex-
 tant in codocibus sibi exhibitis a Ma-
 gistro Le Roux, quarum aliquas tum
 deputati tum alii Magistri observave-
 runt Censura dignas.,

§. LXV.

*Venetorum victoria de Turcis re-
portata.*

*Contingentiæ
 Caroli VI.
 Hist. du
 Princ. Eug.
 l. 13. p. 17.*

Interea, dum fortuna secundiore Tur-
 cis, quam Venetis pugnatur apud
 Peloponensum, non minore animorum
 ac Partium contentione summus Pon-
 tificex, Cæsar, alique Principes Ca-
 tholici non modo ad reprimendam
 sed inferendam quoque barbaris vim
 pecuniarum, militum, armorumque
 apparatus undique contrahere adhe-
 borabant: Præprimis igitur Clemens
 Papa sui muneris esse duxit, ad Phi-
 lippum V. & Elisabetham Hispaniæ Re-
 ginam, eorumque Confessarium P. Gu-
 lielmum Daubanton Jesuitam, Lud-
 vicum XV. Franciæ Regem, Philippum
 Aurelianensem Regni Rectorem, Jo-
 nem Regem & Marianam Reginam, nec
 non Franciscum Lusitanæ Infantem
 atque ad Cardinalem de Cunhe, Bra-
 charensem Archiepiscopum, & Comi-
 tem de Daun Neapolis Proregem hoc

tatorias dare literas, ut vel ipsi vali- Sæc. XVIII.
 das navium, militumque suppetias A. C. 1716.
 mittere, vel suos Principes suis officiis
 ac precibus ad promptam periclitanti
 Reipublicæ Christianæ opem protinus
 ferendam excitare velint. Ipsemet e-
 tiam Pontifex plures naves bellicas
 ære suo conductas, suasque Triremes
 Venetis submisit, necnon pecunias a
 Sixto V. reservatas largiter in hoc bel-
 lum erogavit, & die decima tertia Ja-
 nuarii habito, ut vocant, consistorio
 cunctos Cardinales ad subsidia libera-
 liter conferenda enixe hortatus, ingen-
 tem pecuniarum vim Venetis submisit,
 iisque indulfit, ut ab omnibus Eccle-
 siasticis suæ ditionis bonis decimam
 partem colligere possent: Insuper Car-
 dinalem Ursinum Portuensem Episco-
 pum a suo Archiepiscopatu Beneven-
 tano Romam advocans, eundem Vien-
 nam ad Carolum Imperatorem decre-
 vit, ut is Majestatem suam ad occur-
 rendum, quacunque sublata cuncta-
 tione, gravissimis rei Christianæ ne-
 cessitatibus inducere studeret: Hunc in
 finem Pontifex eidem Imperatori in
 hujus belli sumptus decimas super qui-
 buscunque suarum ditionum bonis Ec-
 clesiasticis assignabat, pollicitus, se tota
 animi contentione curam omnem atque
 operam in eo collocaturum, ut durante

Sæc. XVIII. hoc bello nihil contra Cæsarem, ejus-
 A.C 1716. que ditiones a quopiam attentaretur.

Nec impensa hæc Pontificis officia suo
 caruere effectu; quippe Hispaniæ &
 Lusitaniæ Reges sex quilibet bellicos
 naves & quatuor triremes probe instru-
 ctas, Cosmus vero Etruriæ Dux va-
 lidum Triremium subsidium, & Ge-
 nuensis Respublica duas Triremes &
 Melitensium Magister quinque in opem
 Venetæ classis submisere: Hoc tamen
 armorum apparatu haud territi Turcæ
 Corcyram Insulam toto impetu inva-
 dere aggrediuntur. & jamjam die octava
 Julii prope Butrintum e navibus suis
 militem exponunt: Haud segnior Schu-
 lenburgius, collatis cum Andrea Pi-
 sano Venetorum Archistratego consi-
 liis, prout necessitas temporis mon-
 bat, cunctas naves in unum compellere
 & hostem numero longe superiorem ag-
 gredi statuit. Igitur vespere ejusdem
 diei, cum tempus navigationi sese of-
 ferret opportunum, cum sua classe in
 Turcicam invehitur; solidas quatuor
 horas tenuit conflictus non minus
 trox, quam ambiguus, quem tandem
 nox incumbens diremit. Quarto post
 die Turcæ Naumachiam repetunt, sed
 a Venetis in fugam aguntur, cæsis eo-
 rum ter mille & amplius. Hac cæde
 non exterriti, sed irritati magis Turcæ
 die

die trigesimo ejusdem Mensis in Venetas naves immanem globorum tempestatem detonant, quamprimum vero illæ relicto S. Nicolai portu ad Insulam S. Viti a Schulenburgio peropportune munitam recesserant, mox triginta quinque Turcarum millia Corcyram obsidere parant, inhumana crudelitate agros devastant, atque oëties, incassum tamen, repetita impressione, montem Abrahami tandem die tertia Augusti unacum sancti Salvatoris colle occupant: Hoc successu elati, die septima Augusti Corcyrensis Urbis deditio- nem postulant, ast a Schulenburgio Præfecto post trinam excursionem insigni cæde rejiciuntur: collectis tamen viribus die decima nona Augusti impressionem tentant, & capto jam valido munimento, quod *Scarponam* vocant, duobus aliis minoris momenti receptaculis nullo ferme negotio potiuntur: Accurrit illico Schulenburgius cum recente milite, & desperatione animum acuate celeritatem periculumque, sub cujus ruinis obsessi jamjam gemebant, generose despiciens, admotis scalis locum inter Scarponam & munimentum recens exstructum occupat, barbaros ex fossis, captisque propugnaculis expellit, eosque cæsis Turcarum quatuor millibus, & relictis

Sæc. XVIII. triginta vexillis usque ad eorum castra
 A. C. 1716. gloriosus insequitur. Tanta erat hostium
 trepidatio, ut præclaram hanc Urbem
 intercipiendi occasionem sibi de manibus
 elabi finerent, solvendæ nulla sane obsi-
 dionis necessitate compulsi, cum e-
 nim ingruentes pluvix ferme omnia
 obsessorum munimenta destruerent, &
 pulvere pyrio penitus madefacto Venet-
 vim repellendo impares essent, Turce
 urbem scalarum ope innoxie superare
 potuissent. Hi vero die vigesima se-
 cunda Augusti noctu post vigesimam
 quintam obsidionis diem relictis castris,
 & quinquaginta quinque belli tormentis,
 seu mortariis, omnibus impedimentis,
 cælisque eorum quindecim millibus
 præcipiti fuga sese proripuerunt. Tam
 prospere Corcyrensis Insula Antonii Lo-
 redani Gubernatoris vigilantia, Schu-
 lenburgii fortitudine, & S. Spiridionis
 Episcopi ibidem Patroni tutela a præ-
 sentaneo excidio præservata est. Pe-
 runt, quod ante obsidionem hujus Sancti
 Corpus, cum illud Veneti ex urbe in
 propugnaculum deferri juberent, nulla
 adhibita vi ab Ecclesiasticis loco suo
 moveri potuerit, & durante obsidionis
 æstu tres saculæ super Ecclesiæ tectum
 collucere, ab omnibus visæ fuissent.
 Vix exprimi verbis potest, quantum ex
 hujus victoriæ nuntio Venetorum Res-
 publi-

publica, Italia & totus ferme Orbis Sæc. XVIII.
 Christianus conceperit lætitiæ sensum: A. C. 1716.
 festivis præprimis plausibus tripudia-
 bat Roma, quam Marchio de Lange-
 rie & Comes de Linange ambo Galli
 post expugnatam Corcyram Turcarum
 ope subjugare moliebantur, qui tamen
 detecta conspiratione capti Viennam
 abducti fuere, eodemque tempore py-
 ratica Tunetanorum navis, quæ jam-
 jam Pontificii maris oras infestabat,
 ab Etruscis capta ad Portum Cen-
 tum Cellas abducta est. Percepta suo-
 rum clade & probrosa Architalassi fuga
 Byzantini cives tam impotenti rabie
 exarserunt, ut ejus domumpenitus ex-
 pilatam igne everterent, ipsum quoque
 Achmetem III. Sultanum strangulaturi,
 nisi mox quatuor Bassas, qui bellum
 in Christianos suaserant, laqueo su-
 stulisset.

§. LXVI.

*Turcæ apud Petro - Varadinum ad
 interneccionem deleti.*

Reportata hac victoria Schullenbur- Hist. Cont.
 gius Butrintum, & Insulam S. Mau- Chron. l. 16.
 ræ continuata armorum felicitate oc-
 cupavit, & Morlacci in Dalmatia Tur-
 cis iteratam cladem & immensum dam-
 num intulere. Ad hanc belli prosperi-
 tatem

A a 5

tatem